

Prome reaccion di minister Paul Croes



ORANJESTAD – Minister Paul Croes (AVP) sospecha di corrupcion cu permiso, no a tuma ni haya su retiro, aunke e zonido pa e tuma e honor na su mes, ta birando mas duro.

Su abogado di HBN Law, Eline Lotter Homan a manda e prome declaracion di e mandatario unda e ta expresa cu e no ta traha pero ta kedaando cas pa haya tur informacion.

“Un situacion hopi dificil pa mi famia y mi persona. Mi tin confiansa den nos sistema hudicial y cu un trabou obhetivo ta wordo hasi.

Pa no stroba e investigacion andando e miho opcion ta pa no duna ningun declaracion adicional na e momentonan aki.

Mi kier enfatisa cu nos lo surpasa e reto aki tambe y alabes

gradici tur esunnan cu na un of otro forma a duna nos sosten den e momentonan aki.”

Mocion di desconfiansa

E partido den oposicion MEP ta pidi retiro boluntario di e mandatario of lo yama un reunion urgente pa entrega un mocion di desconfiansa contra su persona.

Bon Dia Aruba lo keda sigui e desaroyonan den e caso aki.